



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput XXIII. (a) Lucius III.

[urn:nbn:de:hbz:466:1-74526](#)

C A P U T XXII.

(a) Idem.

EAm te decet. *Et infra*: Illas autem Ecclesias, de quarum patronatu controversia fuerit, si intra sex menses postquam vacaverint, non fuerit controversia terminata, licitum tibi sit de persona idonea ordinare.

N O T A E.

1. (a) *[Dem.] Inscriptionem hujus textus exposuit in cap. eam te, de astate & qualit. ubi extat ejus prior pars.*

C O M M E N T A R I U M.

2. **I**ntra alias jurispatronatus ecclesiastici, & seculares differentias, illa notissima est, quod patrone ecclesiastico competit semestre ad praestandum; patrono vero laico quadrimetre, *cap. quoniam, hoc tit. cap. unic. §. final. eod. tit. lib. 6. cap. quia, de concess. probend. cap. licet, de supplend.* pluribus relatis docent *Salgado de protell. reg. 3. p. cap. 11. num. 62. Solorzanus rom. 2. de jure Indian. lib. 3. cap. 3. num. 48.* Unde textus hic accipiens est de patrono ecclesiastico, ut post repentes in praesenti docuit Valensis *lib. 1. de benef. tit. 4. num. 10.* Intra hoc autem tempus nulla potest in ipsa Ecclesia institutio fieri absque consensu patrois, *dicho cap. unic.* sed eo tempore elapsa, quod incipit à die notitiae vacationis, juxta adducta *in cap. literas, de supplend.* quare prius probari debet, ut refolvit Marinus *lib. 1. refol. cap. 300.* Episcopus in ea Ecclesia presbyterum ordinabit, *dicho cap. quoniam, 3. cap. si vero 12. cap. cum propter 27. hoc tit. Consonat lex 11. tit. 15. partit. 1.* Proabant ultra congestos à Barbosa & Garaña in praesenti, *Lara de ca-*

*pel. lib. 2. cap. 9. num. 38. Illust. Ramos ad Alex. VII. pro Episc. Lufit. propos. 2. num. 1. Luna & Arellanus lib. 3. antinom. 7. Valensis de benef. dito tit. 4. cap. 14. nam cum plurimum interfit Ecclesias non du vacare, ut probavi in cap. ne pro defib. de elect. Summus Pontifex, qui ex gratia concessit patronis, ut possint presentare clericos ad beneficia vacantia, potuit statuere, ut illis non presentantibus etiam propter discordiam inter eos ortam, pro ea vice amitterent jus presentandi, ad Episcopumque devolveretur, *dicho cap. si vero 12. d. cap. cum propter probant Sanchez lib. 2. confil. cap. 3. dub. 60. Riccius in praxi, decif. 188. Ludovisius decif. 94. Vivianus de jure patron. p. 2. lib. 7. cap. 3. num. 7. Spino in fol. gloss. 4. num. 4. Lara lib. 2. de capel. cap. 9. num. 38. Barbosa lib. 3. juris Eccles. cap. 12. num. 1. & alleg. 72. num. 140. & male Gutierrez lib. 1. canonic. cap. 28. num. final. exultimayit, durante lite inter electores non currere semestre, adducto capite 2. de in integrum refit. quod nihil probat. Et negligente monasterio, devoluta etiam sit ad Episcopum, Barbosa alleg. 126. num. 66. cum sua qualitate, Valenzuela confil. 103. num. 42. Si autem patroni legitimè sint impediti, quia illis non currit tempus, *dicho cap. quia, cap. final. de elec.* Episcopus aliquem ordinare non potest, juxta tradita *in dicto cap. literas, dicto cap. quia*, ex quibus commentariis praelens perendum est.**

C A P U T XXIII.

(a) Lucius III.

PRÆTEREA, quoniam advocati Ecclesiarum in tantam noscuntur insolentiam prouipisse, ut sacerdotes, & alios ecclesiasticos viros pro sua voluntatis arbitrio in Ecclesiis ipsis constituant, atque destituant, & jus advocationis donationis, vel emptionis titulo, aliisque pro sua voluptate contra cibis etiam in alios transferre presumant, (b) fodrum, (c) albergarias, (d) regium, similia, tanquam à propriis rusticis, ab ipsis ecclesiis extorquentes; & quod ministri Ecclesiarum eis inconsultis faciunt, juxta proprium arbitrium in irritum deducentes: praesenti decreto subiectimus, & auctoritate Apostolicâ firmamus, eos, sive Advocati, sive Patroni, vel Vicedomini, sive custodes, vel guardias habentes, seu alio quolibet nomine censeantur, à predicatorum gravatum importunitate cessare nihilque in Ecclesiis, in quibus sibi aliquam de predictis vindicant potestatem, præter antiquos, & moderatos redditus à locorum Episcopis institutos exigere, aut si aliud exegerint, excommunicationis sententia subjacente: contractus etiam, quos de alienatione advocationis, sive patronatus vel fecerint haec tenus, vel facere in futuro præsumperint, praesenti institutione cassamus, & eos vim aliquam decernimus non habere. Ne autem per appellationis obstaculum, aut in iis, que de hereticis dicta sunt, aut Advocatorum coercitione, quam diximus, praesentum deludatur auctoritas decretorum, totius appellationis remedium in praefectis capitulis denegamus, nullam penitus audientiam cuilibet contra hæc appellationibus praebituri.

NOTE

N O T A E.

(a) **L**ocus III.] Ita etiam legitur in prima collectione, sub hoc tit. cap. 19, ubi additur, pars capitii ad abolendam: unde cognoscitur, in praesentireferri partem textus in cap. ad abolendam, de hereticis; nulli tamen Praelato rescribit Lucius, quia in praesenti novam edidit constitutionem, non aliquius consultationi respondens, aut item decidens, ut ex ipsis verbis facile constat.

(b) **Fodrum.**] Foderum, sive fodrum, est almentum, sive pabulum, quod alicui solvit; quo modo accipitur in diplomate Conradi I. Imperatoris, quod extat in legibus Longobard. l. 4. tit. 8. lib. 3. ibi: Fodrum de castellis, quod nostri antecessores habuerunt, habere volumus. Fridericus de pace Constantiae: Fodrum confuetum, & Regale, que solent & debent, præstabant. Signius libro 8. de Regno Italia, & lib. 7. ejusdem operis, ita ait: Fodrum summa quadam frumentum, quam advenienter in Italiam Regi populi solvere tenebantur; pro quo sepe etiam a pecunia pendebatur. Petrus de Vineis lib. 2. epist. 29. Viarum asperitas fodri confluente interdicat. Guntherus lib. 8. Ligurini, vers. 570.

Ac primum Ligures super hoc à Regere regati,
Vectigal, portus, cuendae jura moneta,
Cumque molendinis, celonea, flumina, pontes,
Id quoque quod fodrum vulgari nomine dicunt,
Et Capitolium certo sub tempore censem:
Hec Ligures sacro tribuerunt omnia a fisco.

Explicant Lindembrogius in Clossar. verbo Fodrum. Vofius de viuis ferm. lib. 2. cap. 6.

(c) **Albergaria.**] Albergaria est hospitiorum præbendorum onus, ut exponit Boëtius Epon. de regul. num. 25. unde advocati ab Ecclesiis, & clericis extorquere intendebant hospitium.

(d) **Regum.**] Tributum videlicet, ut exponit Glossa in presenti; nam jus Regalium plerumque Principes supremi in beneficiis ecclesiasticis exercerent, ut probat Boëtius Epon. tom. 1. q. 99. heroic. tit. de Regalibus, num. 23.

COMMENTARIUM.

UT textus iste plenè intelligatur, aliqua præjacenda sunt de advocatis, advocatis, & castellis Ecclesiistarum. Et primò sciendum est, quod cum res Ecclesiæ armis, & ferro per ecclesiasticos non defendantur, obnoxia semper fuerunt injuriis. Inde factum, ut Ecclesiæ tutelæ Magnatum mediaet, vel in immediata se committeret, ut patronis, vel advocatis, ut habetur lib. 2. epist. Gregor. VII. aut custodia, vel ut aliqui barbare loquebantur, mundeburdis, aut guardie nominis. Et quidem advocationem, seu defensionem Ecclesiistarum Cathedralium, & Regularium, ad Reges, & supremos Principes spectare, qui eas sub protectione Regia habent, testatur D. Bernardus epist. ad Lotharum Imperatorem, epist. 139. ibi: Non est meum hortari ad pugnam; sed tamen advocati Ecclesia arcere ab Ecclesia infestatione schismaticorum rabiem. Idem epist. 243. ad Conradum Regem Romanorum, ibi: Utramq[ue] interesse Celarum conservet, & propriam tueri Coronam, & Ecclesiam defensare: alterum Regi, alterum convenit Ecclesiæ advocate. Inde concepta formula apud Marculfum lib. 1. cap. 24. de Mundeburdo, his verbis: Rectum est, ut Regalis potestas illis

tuitionem impetrat, quorum necessitas comprobatur. Igitur cognoscatur magnitudo, seu utilitas vestra, quod nos Apostolicum, & venerabilem illum Episcopum, ut Abbatem Ecclesie, vel monasterii in honorem illius sancti construxi, cum omnibus rebus, vel hominibus, aut gassindis, vel amicis, seu undecunque ipse legitimo redibit mittio, juxta e- ius petitionem, propter malorum hominum illi- citas infestationes, sub sermone tuitionis nostræ vi- si fuimus receperisse, ut sub mundeburde, vel de- fensione illustris viri illius monasterii domus nostra, cum omnibus rebus præfata Ecclesia, aut mona- sterii quietus debeat residere, & sub ipso viro illo illustris vir ille cauſas ipsius Pontificis, aut Ab- batis, vel Ecclesie, aut monasterii, vel qui per eum sperare videntur, vel undecunque legitimo redibit mittio, tantum in palatio nostro sequi deberet. Propterea per præsens decernimus ac jubemus præceptum, ut memoratus Pontifex, aut Abbas sub nostro sermone, & mundeburde antedicti viri quietus resideat, & nec vos, nec juniores, aut suc- cessores vestri, vel quislibet eum de inquisitis occaſionibus injuriare, nec inquietare, præsumatis. Et si aliqua causa adversus eum, vel suo mittio sur- rexerint, quæ in pago absque ejus gravi dispedio definita non fuerit, in nostri præsentia referen- tur. Quam præceptionem, ut firmior habeatur, propria manu sublēripsumus.] Unde in Synodo Confuentina ita legitur: Volumus, ut Ecclesie, & caſa Dei, & Episcopi, & Dei homines, clericis, & monachi, & nonne talen mundeburdem, & honorem habeant, sicut tempore antecessorum nostrorum habu- erunt. Reges autem hujusmodi advocationem, seu custodiā in Ecclesiis, & monasteriis habeant, aut quia ea confruixerant, vel quia privati fundatores, ut ipsa monasteria in tuto essent, advocatione, & tu- tali. Principum ipsorum passim commendabant. Concilium Mendeni can. 41. ibi: Providendum est Regie maiestati, ut monasteria, quæ ab hominibus Deum timentibus in sua proprietate confructa, prede- cessores illius causa defensionis, & mundeburdi suscep- perunt, &c. Synodus Ticinensis can. 16. ibi: Sug- gerendum est Beatisim Imperatoribus, quia bis qui mo- naſteria, & xenodochia sub defensione sacri palati posuerunt, ideo fecisse probantur, quod a nullo melius quam a summis potestatis protégenda crediderint. Sic Wifredus Comes Bituricensis, & Oda ejus conjux fundatores monasterii Stradenensis, Pipini Re- gis tuitione id credidisse celebrantur ab auctore vita Sancti Genulfi lib. cap. 8. his verbis: Quibus ut se tempus obtulit opportunum, continuo de rebus ei- dem loco delegandis testamentum faciunt, Domini- que Pipini Regis adentes presentiam, vota suggesturunt. & locum sibi rebus decrevis per testamentum ejus po- testati commitunt, ut ipsis auctoritate, atque Fran- cerum deinceps Regum providentia tueretur. Sic ei- dem Pipino Regi monasterium sancti Galli, cap. 1. securitatis gratia tradidit Waltramus Comes, Rat- pertus monachus: Postea vero tempore precedente, arque statu monasterii in melius proficiente, prefatus Waltramus eundem Abbatem Oslmarum Pipino Re- gi presentavit, siveque Regi monasterium, quod adhuc hereditario jure in sua tenebat potestate, cum ipso pa- riter Abbate contradidit, et videlicet causâ, ut ipse Abbas, ejusque successores idem monasterium Regi auctoritate retinentes, nullius deinde violentia pre- merentur, sed tantummodo Regum iussionibus obe- dient.

784
diren. Nonnunquam etiam advocatio Regia inde
proginta, quod ipsa Ecclesia, vel monasteria ul-
trò le Regibus in tutelam dederunt, ut Carolo
Mago Laurishamense monasterium. Chronicum
Laurishamense anno Christi 776. Gundelandus igi-
tur Abbas in juris sui quieta possessione, tum distan-
te justitia, tum Regia auctoritate confirmatus, Lau-
rishamense monasterium cum omnibus ad illud perti-
nentibus in manus, & munduram gloriosi Regis
Caroli tradidit, quatenus privilegio insigniretur Re-
galibus. Ecclesiarum autem hæc advocatio adeo
Corona Regia inhæret, ut Cathedralium, vel alii
arum Regia fundationis patrocinium cum uni-
versitate, id est concessione Ducatus, vel Comita-
tus, in quibus Episcopatus vel Regales Abbatia pos-
sitime erant, non transirent in alium. Hinc conce-
sæ Neustriæ Hugoni Abbatii, seu Carolo Simplici
ante irruptionem Normannorum, non venere Epi-
scopatus. Chron. Andegavense: *Iste itaque tra-
etius, cum & datus esset ad integrum cum Civitatis-
bus, & Comitatibus, & Abbatis, Castellisque, preter
Episcopatus solos, qui in Regia Domini cura retenti-
junt.* Eodem jure advocatiæ Ecclesiarum Bur-
gundia armata manu vindicavit Philippus Augustus
adversus Hugonem Ducem Burgundia. Igitur
Reges Francorum prædictas Ecclesiæ insula li-
beritate semper custodire cupientes, quibuscumque
Principibus terras custodiendas tradidissent; tamen
Ecclesiæ sub potestate sua, & protectione reti-
nere decreverunt, ne Princes, quibus terra-
stienda à Regibus delegabatur, Ecclesiæ, vel
clericos ibidem Domino servientes aliquibus anga-
riis, taleis, vel aliis exactiōibus gravare præsumen-
tent. Varia exempla Imperatorum, Regumque,
qui advocatias Ecclesiæ suscepunt, referunt An-
dræs Querctanus in *histor. genealog. familia à Be-
tuna*, lib. 1. cap. 3. Gibalinus tom. 2. de nego. lib.
6. cap. 6. artic. 9. M. Magerus de *advocat. armat.*
cap. 2. Joannes Dartis ad *Decret. in 76. dist. Theoph-*
phalus Raynaudus tom. 12. træt. mala è bonis Ecclesi-
lib. 2. scđ. 1. fol. 131.

2. Hac de supremis Principibus advocatis Ec-
clesiarum sufficient, ut ad Duces, Comites, &
alios inferiores advocatos Ecclesiarum perve-
niamus. Scindendum enim est, laboreto Africana
Ecclesia Donatistarum, aliorumque, quibus sca-
tebat, haereticorum tyrannie, rerum sacrarum,
& privatuum direptione, nefariisque cæribus,
tum sacerdotum, tum laicorum, ad petitionem
PP. Synodi Carthag. 5. beneficio Principum in
singulis Africanis Ecclesiis institutos fuisse de-
fensores, ut haereticorum savitiam manu mili-
tari compescerent, & quieti Ecclesiæ con-
sulerent. Hac de re sanctus fuit canon 22. in
eodem Concilio, qui refertur à Gratianum in *cap.*
ab *Imperatoriis 23. q. 3. notariorum Balfamon &*
Zonaras in can. 78. 81. & 100. Synodi Carthag.
Defensores hi diu permanere in Ecclesiis Afri-
canis, ut constat ex *Possidio in vita D. Augustini*,
*cap. 12. De quare, inquit, ne pacis Ecclesiæ am-
plius impeditetur profectus, defensor Ecclesiæ*
inter leges non filii Cassiodor lib. 2. var. cap. 30.
*& lib. 3. cap. 45. & lib. 9. epis. 15. Nec non Eccle-
sie Cismariae defensorum tutelam sibi adscivere-
runt, inermem Episcoporum auctoritatem im-
parem expertæ adversus Potentiorum injurias.*
Urbanus II. apud Gratianum in cap. Salvator,
1. q. 3. In Gallia, & Germania maxima Ecclesiæ
ob opum pingviorem censem, & Dynastarum

frequentiam deprædationi obvia, defensores, sive
advocatos suscepunt. Concilium Magunt. can.
50. sub Carolo Magno: *Omnibus igitur Episcopis,*
Abbatibus, cunctoque Clerico continua præcipimus
Vicedominos, Praepositos, Advocatos, sive Defensores
bones habere. Votis PP. annui Carolus Ma-
gnus lib. 15. capitul. cap. 31. & lib. 7. cap. 33. &
lib. 3. cap. 62. & legem dedit de adevo-
catis, & defensoribus Ecclesiarum à Principe
postulatis, ibi: Defensores Ecclesiarum aduersus po-
tentias secularium, vel divitium ab imperatore sunt
poscendi. Exinde ab Episcopis, & Abbatibus nobi-
liores Comites lecti, & à Principe postulati fuerunt
in Advocatos, & defensores. Trithemius Abbas
in chron. Hirsaugensi ita ait: Sin autem apum, &
utiliem advocatum undecunque si placuerit, elegat
hic denique Abbatem petente à Rege incipiat bonum
legitimum, &c. Idem in eodem anno Christi 1099.
ex privilegio Urbani II. Advocatum autem Impe-
ratorem Romanorum, qui & nosfer advocatione pre-
ficimus; propter multiplices tamen ejus causas &
dissensiones licet Abbatem, & fratribus de familia de
Calone eligere, si idoneus inventus fuerit. Si autem
alias undecunque liber licet alium elegere, qui
etiam advocatus in presentiam Abbatem, & fratrem
juret in sacramento cum familiaribus suis, quod con-
tra privilegia Ecclesia non veniat. His adductis in
presentiam Domini Imperatoris similis modo confir-
met. Eandem ob rationem etiam Ecclesiæ Ca-
thedrales alium ab Imperatore acceperunt advoca-
tum, vel potius subadvocatum, ut de Ratisbonensi
Ecclesia refert Otho Frising. lib. 1. de gestis Friderici
cap. 58. Mortuus tunc fuit in Comitatu Regis vir
clarissimus Fridericus Ratisponensis Ecclesia advo-
catus. Quin etiam Imperatoris ipsi advocatiæ
Episcopatum in beneficium deditum Ducibus,
aut Comitibus, ut Fridericus I. Bertholdo Duci
Zeringiae, ut refert auctor supplementi Frisingen-
*sis cap. 21. his verbis: *Regnum Burgundie cum Ar-**
chisofio Arelatense, quod Duces de Zeringo, quoniam
sine fructu, tantum honore nomine, sive beneficio ab
Imperio jamdiu tenuerunt, a Bertholfo Duce extor-
pti, sibi trium Episcopatum advocatum cum in-
vestitura regalium, scilicet Lanxavensi, Gemeni,
Sedunensis. De his advocatis, sive castaldis, aut
defensoribus agitur in cap. generali, de elect. cap. in
quibusdam, de paenit. I. 38. C. Theodoz. de Epis. &
cleric. ubi Gothofrt Legibus Longobard. iii. 10.
cap. 1. ibi: cum Pontificibus, Abbatibus vel Custodiis
Ecclesiarum. Et de his plura adduxerunt P.
Gregorius lib. 2. partit. tit. 9. cap. 5. Statuta de relig.
tom. 1. lib. 1. de simon. cap. 28. Lambertus de iurepa-
tron. lib. 2. p. 2. artic. 3. 9. 4. Casat, de Ecclesiæ hu-
rarch. q. 2. pro omni, num. 14. Cironius in para-
ad hunc tit. Bosqueius in notis ad Innocentium III.
lib. 2. epis. 122. Alteferrus de Duciis cap. 6. per-
tum. Cujacius in lib. 5. feud. fol. 934. Bignomius in
notis ad Marculf. fol. 188. Kochier de aduersariis
lib. 1. q. 7. Zyparus ad hunc tit. respon. 1. Burgundi-
us ad consuet. Flandr. træt. 8. Lindembrog. in Glos-
*sario, verbo *Advocatus*. Soloranzus tom. 1. lib. 2.*
cap. 1. num. 40.

Deinde ut officium ipsorum advocatorum
munia, honores, & jura agnoscamus, sciendum
est, Regia advocatio proprium fuisse, quod Ec-
clesiarum, qua illa fruerentur, cause referen-
tia ad Palatum Principis, ut ex Marculfi for-
mula, & Synodo Ticinensi suprà relatis contat.
Quare causam de rebus monasterii Laurish-

mensis adversus Eymericum Comitem, deducitam fuisse ad audienciam Caroli referunt in Chron. Lauishamenfi. Eymericus Comes filius Cancronis, mortuus patre & avia, cernens prefatum locum ex parvo & modico ad tantam rerum, & fama propterum eminentiam, nitebatur eum sibi proprietatis titulo vendicare; cuius rei actione ad palatum delata, & allegatione utriusque partis auditâ, juxta legem Francorum definitum est, Gundelandum Abbatem iure possidere, quod sibi fuerat à fratre sine contradictione collatum. Erat etiam a iudicis hujus advocatis argumentum, quod Ecclesiastum causam etiam apud Comites priores audiebantur, & in eleemosyna Regis, id est sine sportulis. Concil. Vernense can. 23. Ut Comites, vel Judices ad eorum placitas, primo viduarum, orphanorum, vel Ecclesiarum causas audiant, & definitam in eleemosyna Domini Regis, & postea alias causas cum justitia rationabiliter judicent. Singulariter etiam fuit hujusmodi Ecclesiarum jus, ne res alienari possent sine consensu Regio, Concil. Matricon, can. 4. apud Burchardum lib. 5. Decreti, c. 172, ibi: A Synodo decrevum est, & Imperialis autoritas denuntiat, ne commutations rerum, vel mancipiorum Ecclesiasticorum qualibet persona sine licentia, & consensu Regio presumat facere. Synodus Suezion. can. 12, ibi: Ne commutations rerum, vel mancipiorum quilibet Prelatus earundem rerum ecclesiasticarum sine licentia, vel consensu nostro facere presumat. Unde Flodoardus lib. 1. bistor. Rhemensi, refert, quod Ivo Rhenensis Antistes nonnullas res Ecclesia commutavit, sed imperato rescripto Ludovici Pii, ibi: Sed & imperialia super eisdem commutationsibus praecepta obtinuit. Altefferalib. 4. Difser. c. 14.

Ut ad officium Advocatorum perveniamus, sciendum est, horum Advocatorum muneris fuisse res Ecclesia curare, tueri, in iure defendere, & usurpatas à Prædonibus vindicare. Concil. Mogunt. sub Carolo, can. 22, ibi: Ut Monachi ad secularia placita nullatenus veniant, &c. nec ipse Abbas sine consilio Episcopi sit, & cum necessitas exigit, tunc per iussionem & consilium Episcopi illuc vadat; nequaquam tamen contentiones, aut lites aliquas ibi movere presumat; sed quicquid querendum, vel etiam respondendum sit, per advocates suos hoc faciat. Adrevaldus lib. 1. de miracul. S. Benedicti, c. 26. de prædiis monasterii Floriacensi sitis in pago Aquitanie ita ait: Advocatus vero una cum Rapaniario monacho, ad locum cessionis terra juxtam rem legis adveniens (lege enim Romana, qua ab antiquo utitur Aquitania, vindicatio fiebat in rem præsentem, l. 1. §. 1. ff. si quis jus dicenti, l. non alias, §. sed si postulatur, ff. de judec.) predictam vineam adiut S. Benedicti sua autoritate revocare nitebatur. Flodoardus lib. 1. bistor. Rhemensi, cap. 10. de Hincmaro ait: Res quoque nonnullas, iuraque Ecclesia, ac mancipia legibus per Advocatos evin dicata receperit. Ekkoardus de casibus monast. sancti Galli, ibi: Invadit locali lege Alemanicam Advocate Episcopus, uti jus erat, homines sciri iuramenta S. Othomaro vindicantes. Quare tabulae, & gesta inscribebantur Abbatis nomine, addito fratum, & Advocate confensu. S. Bernhardus epist. 229, ad Episcopum Hosensem, & alios pro Abate Latinacensi ita scribit: Jam de terris, & bonis Ecclesiæ quasi distractis, & alienatis, & datis ab eo cognatis suis, coram venerabilibus Episcopis Suezionensi, & Altissiodorensi, Comite que Theobaldo. Advocate utique monasterii satis responsum est & adhuc respondeatur, sic illum de D.D. Gonzal. in Decretal. Tom. III. Pars II.

in Rectorem quendam de fratribus suis hominem nullius intelligentiae, aut valentiae, adeo hebetis eloquentie, ut nec verbum de ore ipsius, nisi cum difficultate posset intelligi: cimique talis Prelatus coram inclita recordationis Imperatore Friderico comparuit et ipse cum tota Curia sua previt eandem odioque sui nobilis viro Degenhardo de Helystein procuratori suo per omnia regalia predicta Sveviae injunxit, quatenus personaliter accederet ad Ecclesiam Urspergensem, & de voluntate fratrum in predictis ipsorum censum, extra Abbatiam, & Grangias, imponeret annum, qui sibi pro advocacya, & defensione solveretur, ni videlicet quilibet manus rusticorum praeatorum solveret maliare unum avene, ut officiales sui equis ipsorum ex hoc haberent annam, & ipsa Ecclesia sine prejudicio omnis gravaminis imperiale haberet defensionem. Immo aliquid pecuniarium subsidium ab ipsis Ecclesiis pertebant, ut refert Guillel. Brito lib. i. Philip.

*Tempore cuiusdam guerre Rex prodigis aris,
Camer exigeret numerare stipendiaria multis,
Clericum Rhemensem petiti, scriptaque rogavit,
Ut sibi subsidium ferret, quo gratior illi
Adstantes velle sumptus impendere gratis,
Ut solet Ecclesia Patronos sepe juvare.*

Et labente disciplina, res eō prorupit, ut ab Ecclesiis advocati, tanquam à propriis rusticis, & colonis crebriores annonas, & census passim extorquent. Urspergeni in Philip. Cesar. ibi: *Nomine advocacy Monachorum fundis annum tributum indixit: atque ita talis advocacya degeneravit in praedationem, ut constat ex Adrevaldo lib. 2. de miraculis S. Benedicti, cap. 24. Anonymo eiusdem lib. 4. cap. 6. & aliis, quos dinumeravit M. Magerius de advocatis armatis. cap. 1. à num. 199. & Cochieri in vindiciis libert. eccles. part. 2. cap. 6. à num. 9. & cap. 8. quibus modum impo- fuerunt Eugenius II. in Synodo Rhemensi celebata anno 824 Canon. 5. ibi: Autoritate Apostolica probibemus, ut nullus Advocatus, preter Ius. & beneficium antiquius aliquid sibi arripere, vel a usurpare presumat; quod si quis contra hoc arcenaverit, Christianorum carcer sepulturā: Et Lucius III. in praesenti, dum prohibet advocatis, ne quid ab Ecclesiis praeferantur, & moderatos redditus ab initio institutos exigerent: unde Innocentius III. lib. 2. regebr. 14. epist. 123. increpat Comitem Nivernensem, quod nimis gravaret monasterium Verreliacense, his verbis: [Abbas & Conventus Verreliac. suā nobis insi-*

nuatione monstrarunt, quod cum nobilis vir Comes Nivernen. ab eorum monasterio pro ipsius custodia duas procuraciones, in Pascha videlicet, & festo beatæ Mariae Magdalene exigenter annuatim, & in receptione ipsiarum ipsum monasterium enormiter aggravaret, maximā militum & servientium multitudine contipatus: iudicem mille quingentas marchias argenti super procurationibus illis ei tali conditione mutuo concesserunt, ut in unaquaque predictarum solemnitatum, si Verreliacum accederet, quinquaginta libris Altissimorum, monetarē pro moderata esset procuratione contentus, nec plus pro illa posset exigere, donec ipsis monasterio redderet prataxatam pecuniam quantitatem. Verū nunc, sicut dicitur, ut dictum possit monasterium in predictis procurationibus aggravare, terra sue questam indixit pro eadem pecunia perolvenda. Cum igitur jus suum in injuriam convertere non debeat idem Comes, discretioni vestrae per Apostolica scripta mandamus atque præcipimus, quatenus si forsitan sepe dictum monasterium per immoderatan procurationem gravare voluerit, vos ipsius immoderantiam, gratiā, odio, & timore postpolitis, redigatis ad justum, sublati appellations obstatu, moderamen, contradictores per censuram ecclesiasticam appellatione postpoliti compelendo.] Ubi Innocentius dixit questam quasi per vicos quæsitam, quia à singulis vicariis collecta illa exigeratur, ut exponit Bosquetus in notis ad ipsam epist. 123.

Tandem sciendum est, ipsis Patronos Ecclesiæ plerumque appellari Advocatos, ut in cap. sequenti, & supra in cap. quia clericis: tum quia ipsi etiam defendebant Ecclesiam; tum quia plerumque ipsi patroni sue potestatis fiduciam non habentes, advocatiæ ipsiarum Ecclesiæ ab ipsis Imperatoribus, seu Regibus obtinebant: ex Alberto Miræo probat Bosquetus in not. ad dictam epistolam 122, & ita Patronus, qui jure ordinario Advocatus natus ratione Jurispatronatus erat, efficiebatur Advocatus datum propter advocacyam à Principe impetratum. Praesentem autem textum accipio de Advocatis datis, textus vero in d. c. quia clericis, & in cap. sequenti de Advocatis natis, id est, fundatoribus ipsiarum Ecclesiæ, inter quos, & datos illud verlatur dicirimus, quod advocata data personalis est, nec ad hæredes transit; advocata data vero nata cum ipso Jurepatronatus ad hæredes transit, juxta suprà tradita in cap. 1. hoc ist.

CAPUT XXIV.

Idem (a) Norwicensi Episcopo.

Cum autem (b) Advocatus Clericum unum idoneum Episcopo præsentaverit, & postulaverit postmodum, eo non refutato, alium æquè idoneum in eadem Ecclesia admitti, quis eorum alteri præferatur, in judicio Episcopi credimus relinquendum (c) si laicus fuerit, cui jus competit præsentandi. Verū si collegium, vel religiosa (d) persona præsentationem haberet, qui prior est tempore, prior jure merito videtur.

NOTÆ.

(a) *Norwicensi.*] Ita legitur in prima collectione, sub hoc tit. cap. final. ubi additur pars capituli tua nos; unde cognoscitur in hoc

textu referri partem textus in cap. tua nos II. de jurejurand. ubi præsentem inscriptionem expousi.

(b) *Advocatus.*] Id est Patronus, ut proximo Commentario dixi.

Lacm